

四庫全書

子部

欽定四庫全書

子部

記纂淵海卷十三
四

詳校官中書_臣涂日煥

侍讀_臣孫球覆勘

總校官降調編修_臣倉聖脉

校對官學正_臣常循

謄錄監生_臣舒秀岐

欽定四庫全書

記纂淵海卷十三

宋 潘自牧 撰

郡縣部

京西南路

房州

倚郭一 房陵

外縣一 竹山

保康軍節度

郡號 房陵 防渚 上庸 白馬 庸國 竹山

州沿革楚地翼軫分野鶉尾之次禹貢梁州之域春秋

康庸二國戰國屬楚秦以後屬漢中郡魏置新城郡晉
新城上庸二郡梁立岐州後魏改光遷國後周改遷州
隋大業廢州為房陵郡唐武德曰遷州又於竹山縣置
房州貞觀廢遷州移治房陵為房陵郡

地理沿革表

縣沿革房陵漢屬漢中郡東漢屬新城郡後魏分置大
洪縣後周改永清改房陵縣為光遷唐貞觀改光遷曰
房陵為房州治本朝省永清入焉 竹山本古庸國漢
為漢中郡上庸縣魏分置上庸郡南朝廢之梁置安城

新豐二縣西魏改安城曰竹山置羅州改新豐為上庸
後周改孔陽隋改羅州曰房州孔陽復曰上庸唐貞觀
徙房州治房陵一縣屬焉本朝省上庸入竹山

地理沿革表

形勝方城山在竹山縣東左傳云楚國方城以為城

庸城山在竹山縣西舊名垂鼓山 龍祗山在竹山縣

南云王若冲於此昇天雞鳴山馬息山馬盤山馬塞山

皆在房陵 橫鞍山與庸城山相連 建鼓山爛柯山

覆船山停舟山皆在房陵 鳳溪鰲水在竹山 青峯

赤崖白谷皆在房陵 又房陵有三十四山三十五溪

見寰宇記

輿地紀勝

人物周尹吉甫有廟在城西房之人尹姓為多 後漢

黃香有至孝名

輿地紀勝

集惟君固房陵節誠貫古今

李白贈常房州

本朝雍熙三年升保寧軍節度 開寶中省永清上庸

二縣

沿革表

有客常談解散川偶因晴景到山前溪流似

鏡清無底石壁如門翠插天夜氣結成三洞雨春渠飲

盡一川田臨行始覺房陵好更欲遲留住一年

張舜民

度

險聊憑九節杖凌虛來謁三花岩

章綽

女媧山下少人行

澗谷聲中一鳥鳴

劉光祖

房陵郡僻皆山川竹山更在房

西偏道由房城絕險阻高崖峻嶺相綿延

邵勉

十里平郊

連郡堞一溪清水溉民田

周絢

郢州

倚郭一外縣一

長壽京山

富水郡防禦

郡號富水 石城 效郢 郢都

州沿革楚分野鶉尾之次禹貢職方皆荊州之域春秋
戰國屬楚秦屬南郡漢屬江夏郡晉竟陵郡地梁屬南
司北新二州西魏屬安州後周置石城郡兼置郢州隋
廢州置竟陵安陸二郡唐武德置溫州又置郢州州廢
隸郢州貞觀廢溫州復郢州天寶曰富水郡

地理沿革表

縣沿革長壽本漢江夏郡竟陵縣地晉元康分江夏西
部置竟陵郡治此宋置長壽縣屬竟陵後周置石城郡
長壽隸焉唐屬郢州 京山本漢江夏郡雲杜安陸二

縣地東漢置富水鎮於南新市縣地晉置新陽縣梁置
新州梁寧郡西魏改角陵改南新市為富水縣置富水
郡隋改角陵曰京山屬安陸郡唐武德以京山富水置
溫州貞觀州廢屬郢州本朝省富水入京山

地理沿革表

形勝石城在長壽縣羊祜鎮荊州立石城以為固 今
港源出楠木山 內方山又名章山西魏於此立郡

京源山在京山縣東 武陵山又名楠木山 七寶山
五華山多寶潭皆在京山縣 龍鳳港在城南 鶴池

在長壽

鳳凰池在京山

寶香山在長壽縣北

輿地紀勝

人物春秋申包胥吳伐楚入郢包胥求救於秦哭七日

七夜不絕聲

戰國宋玉師事屈原

唐陸羽廬於太

門山乃舊京山縣境唐書以為復州竟陵人非也

輿地紀勝

集郢客吟白雪遺響飛青天徒勞歌此曲舉世誰為傳

誠為巴人唱和者乃數千吞聲何足道嘆息空淒然

李白

雪中梅下與誰期梅雪相兼一萬枝若是石城無艇子

莫愁鄉自有愁時

李商隱

石城有女子居

石城昔為

白雪樓善歌唱名莫愁

莫愁鄉莫愁魂散石城荒江人依舊棹江岸江岸還飛

雙鴛鴦

鄭谷

故郢生秋草寒江淡落暉

劉文房

賴得竟陵守時

聞建安吟贈別折楚芳楚芳搖衣襟

孟東野

白雪樓中一

望鄉青山簇簇水茫茫

白樂天

本朝乾德三年省富水縣

沿革表

折楊黃華笑者多陽春

白雪和者少知音四海有幾人况乃區區郢中小

王介甫

石城目斷空殘照白雪非人只麗譙

魏泰

陽春樓側春方

到白雪樓邊雪未殘

范純仁

三峽雲烟繞郢水兩川風月

接荆門

同上

蒼茫遺珮憐交甫零落清歌送莫愁

孔夷

傷心

白雪陽春麗極目朝雲暮雨非

張衆

村近莫愁連竹場人

歌楚些下蘋洲

任璦

唐州

倚郭一外縣四

泌陽

桐柏

比陽

方城

湖陽

郡號淮安

泌陽

泌水

方城

桐柏

州沿革禹貢豫州之域春秋屬楚戰國屬韓秦以後屬
南陽郡元魏置東荊州西魏改淮州為重鎮隋改顯州
州廢置淮安郡唐武德曰顯州貞觀改唐州天寶曰淮

安郡天祐曰泌州五代後唐復舊名石晉又為泌州後

漢仍舊

地理沿革表

縣沿革泌陽本漢南陽郡舞陰平氏二縣地晉改平氏為西平氏屬義陽郡復置漢廣郡元魏置石馬縣隋置春陵郡廢漢廣以平氏屬淮安郡唐屬唐州貞觀省石馬入湖陽開元復置天寶改泌陽天祐州自比陽徙治于此改泌州後復故湖陽本春秋蓼國漢為南陽郡湖陽棘陽二縣晉並省之元魏復湖陽置西淮安郡及

南襄州後郡廢改州為南平州西魏改昇州又改湖州
後周改置昇平郡隋開皇廢仁壽改昇州州廢以湖陽
屬舂陵郡唐屬唐州 比陽本漢南陽郡舞陰縣地元
魏置陽平縣及東荊州西魏改淮州又分置江夏郡尋
廢為戍隋開皇為顯州改陽平為饒良以江夏戍為慈
丘縣大業改饒良為比陽縣唐二縣屬顯州貞觀屬唐
州五代後周省慈丘入比陽 桐柏本漢南陽郡平氏
縣地梁置義鄉縣及華州上川郡西魏改淮州後改純

州尋廢之隋廢郡改縣曰桐柏唐武德屬純州貞觀州

廢屬唐州 方城本漢南陽郡堵陽及葉二縣也晉後皆廢

西魏置方城縣及襄邑郡隋屬滎陽郡唐武德屬兆澧

州貞觀屬唐州

地理沿革表

形勝泌水在泌陽縣南 方城山自比陽至方城縣相

比連百里 桐柏山在桐柏縣淮水出焉 黃城山在

方城縣西沮溺耦耕之所有水東注乃子路問津之處

西唐山在泌陽高鳳隱居

漢書

驚子山在泌陽 醴水

源出桐柏山 太湖在比陽縣 天目山蠙珠潭在桐

柏縣又隋開皇中置蠙珠觀

並見贊錄

本朝開寶五年省平氏縣入泌陽

沿革表

光化軍 倚郭一 光化

郡號鄴城 陰國 陰城

軍縣沿革韓地角亢氏分野禹貢豫州之域漢為南陽
郡陰鄴二縣晉置順陽郡治鄴縣西魏治鄴城郡後周
郡廢屬襄州省鄴入陰縣隋曰陰城縣屬襄陽郡唐後

省陰城入谷城屬襄州本朝乾德三年以舊谷城地

置光化軍及乾德縣熙寧軍廢縣屬襄州後復舊

地理

沿革

表

形勝固封山在城西北本名崇山 小江河在城西北

四十里 朱寨河在城東六十里孟樓河在城東北五

十里 溫水河在城南三里 五百洲在城西南四里

白河在城東南一百五十里 泌河地理同與白河對

輿地

紀勝

人物漢蕭何就封于此有廟在城內 皇朝張士遜為

宰相 石衆有文十卷名滄浪集

輿地紀勝

本朝紹興十一年復置光化軍領光化縣又以光化軍

為通化軍其後逆亮叛盟復為軍縣如初

沿革表

層樓壓

清漢初上便忘歸夕霽藏平野晴烟漏翠微城昏晚鴉

集江靜野鷗飛何日賦招隱行吟傍釣磯

李牙

谷伯故國

鄧侯所封雖曰小邦實為要地

光化守啓

棗陽軍

倚郭一

棗陽

郡號棘陽 白水 春陵

軍縣沿革本漢南陽郡蔡陽春陵二縣東漢改春陵為
章陵晉屬義陽郡後廢之置廣昌縣及廣昌郡又春陵
置安昌郡元魏置南荊州西魏改昌州隋開皇廢二郡
仁壽改廣昌曰棗陽大業置春陵郡唐武德廢郡改昌
州為唐州省唐州清軍入此貞觀省春陵縣入焉又以
棗陽屬隋州本朝升棗陽軍治棗陽縣

地理沿革表

形勝紀山在城南一百五十里 霸山自隨州撥隸棗

陽 資山在州北

劉白河發源于白水

牡丹山在

縣南

白水山白河所出也有光武廟

赤眉山在縣

東北

甘泉山在縣東北地肥而水甘

獅子山在縣

南

石虎山一名東石虎山又有西石虎山 四望山

團石山皆在縣東北

輿地紀勝

人物漢岑彭光武功臣

岑熙尚安帝妹涅陽公主

魏鄧艾平蜀

唐岑文本孫峰義

輿地紀勝

荆湖南路

潭州

倚郭二
外縣十

長沙

善化

醴陵

攸縣

湘鄉

湘潭

益陽

瀏陽

湘陰

寧鄉

武安軍節度

湖南安撫司轉運司

郡號長沙

湘城

臨湘

湘州

武安軍

州沿革鵜尾之次翼軫之度長沙自有一星在軫中古

三苗國之地禹貢荊州之域春秋戰國屬楚秦置長沙

郡漢高帝為長沙國東漢長沙郡吳分置衡陽郡晉兼

置湘州尋廢之宋復置湘州隋置潭州大業廢為長沙

郡唐武德曰潭州貞觀屬江南道天寶曰長沙郡中和
升欽化軍節度景福改武安軍節度五代馬殷據之為

長沙府後入南唐李氏

地理沿革表

縣沿革長沙秦以青陽地置湘縣漢為臨湘縣東漢為
長沙郡治宋為國齊以後為郡治隋為潭州治改臨湘
縣曰長沙 善化本漢臨湘縣地本朝析置 衡山南
岳之地漢為湘南縣地吳析置衡陽縣及置衡陽郡晉
改曰衡山縣屬衡陽郡隋屬潭州神龍屬衡州石晉屬

潭州後復屬衡州本朝改屬潭州 安化本漢益陽縣地本朝析置 醴陵本漢臨湘縣地東漢置醴陵縣屬長沙郡隋省入長沙縣唐武德復置 攸縣本漢長沙國地東漢屬長沙郡南齊屬湘東郡陳改為攸水縣隋省入湘潭後復置唐武德置雲州貞觀州廢屬衡州後梁屬潭州後又屬衡州本朝來屬 湘鄉本漢湘南縣之湘鄉東漢置縣屬零陵郡吳屬衡陽郡晉為郡治隋省入衡陽縣屬長沙郡唐武德復置屬潭州 湘潭本

漢湘南地為長沙國東漢屬長沙郡吳屬衡陽郡梁廢

湘南縣而置湘潭縣

衡陽志云陳置

隋屬衡山郡唐元和屬潭

州益陽本漢屬長沙國東漢屬長沙郡吳屬衡陽郡

隋屬長沙郡唐屬潭州

瀏陽本漢臨湘縣地吳置瀏

陽縣屬長沙郡隋廢為歸仁鎮入長沙縣唐景龍復置

屬潭州湘陰春秋羅國秦羅縣屬長沙郡漢屬長沙

國東漢分置漢昌縣吳改漢昌曰吳昌並屬長沙郡宋

元徽析置湘陰縣屬湘東郡梁置羅州及岳陽郡二縣

屬焉陳廢置州隋平陳羅縣岳州省湘陰入岳陽尋改

岳陽為湘陰省吳昌入羅縣唐武德省羅縣入湘陰屬

岳州本朝改隸潭州寧鄉本漢益陽縣地吳分置新

陽縣屬衡陽郡晉改為新康隋省入益陽縣唐武德復

置新康屬潭州七年省之本朝置寧鄉縣

地理沿革表

形勝南岳衡山在縣西第三小洞天

詳見前集仙道部及後集地理部

大圍山在醴陵縣第十三小洞天洞陽山在長沙縣

係第二十四小洞天洞庭湖青草湖

詳見地理部

嶽麓山

在衡陽之足有書院係御書扁額 龍山犀峰皆在湘

鄉 鸞山鳳嶺皆在攸縣 虬淵在醴陵山中有洞穴

玉潭在寧鄉有鎮 金井在長沙醴泉在醴陵 鹽

井在湘鄉 清風峽在岳麓寺下 明月山在醴陵

玉笥山在湘陰 金簡峰在南岳 小廬山在益陽

大瀉山在寧鄉 王喬山丁仙山在安化 浮丘山在

益陽

典地
紀勝

人物楚屈原忠而被放投汨羅以死著離騷諸賦 漢

古初為長沙孝子 蜀蔣琬為廣都長諸葛亮稱為社稷之器 唐歐陽詢善書 皇朝朱昂與其弟協俱請老時人榮之比漢二疏 丁儁四世同處旌表門閭

瞿景鴻累世同居旌表門閭 徐偉有八子號徐氏八龍 譚世勛以張邦昌僭位不食而死 張拭槐公之

子南軒先生 靖康之變譚延康以節聞寇敵之來孫

方武以義顯

興地紀勝

集征鞍窮郢路歸棹入湘流兩邊楓作岸數處橘為洲

張九齡

風清長沙浦霜空雲夢田李白湘水回九曲衡山望

五峰

同上

夜醉長沙酒曉行湘水春杜詩秋曉岳增翠風高

湖湧波

同上

楚岫千峰翠湘潭一葉黃韋迺長沙十里平勝

地猶在險

韓詩

班竹泣舜婦青湘弔楚臣同湘淚淺深滋

竹色楚歌重疊怨蘭叢

李義山

本朝乾德元年削軍額端拱復武安軍乾德三年以長

沙縣常豐場置縣開寶省之 紹聖四年析長沙置善

化縣分治郭下 乾德三年以衡州衡山縣隸潭州淳

化二年還衡州四年來屬 熙寧六年分益陽湘鄉地

置安化縣 乾德三年以衡州攸縣隸潭州 紹興三

年以益陽縣屬鼎州尋復故 淳化四年以岳州湘陰

縣隸潭州 太平興國二年以長沙縣玉潭鎮置寧鄉

縣 沿革表 洞庭青草渺無際天柱紫蓋森欲動坡繞郭白

雲衡岳近滿帆明月洞庭秋 鄭軒 寧知城東路有此梅萬

株近坡與遠嶺玉立同一區

南軒

衡州

倚郭一外縣五

衡陽茶陵

耒陽

常寧

安仁

湖南路提刑司提舉司

郡號衡山 衡陽 湘東 臨蒸 鴈峰 耒陽 衡

湘 岫嶠

州沿革鶉尾之次翼軫之分禹貢荊州之域春秋戰國屬楚秦屬長沙郡漢屬長沙國又分屬桂陽零陵二郡東漢屬長沙零陵二郡吳置湘東郡宋為湘東郡梁置衡州隋大業為衡山郡唐初為衡州屬江南道天寶為

衡陽郡五代地入楚馬氏後入南唐

地理沿革表

縣沿革衡陽本漢長沙國酃縣及零陵郡鐘武縣東漢改鐘武為重安縣吳置湘東郡及臨蒸縣晉省酃縣入臨蒸縣陳析臨蒸東鄉置新城縣隋改臨蒸曰衡陽縣為衡州治開皇廢新城重安入焉大業復置二縣唐武德復以衡陽為臨蒸七年省重安縣開元改衡陽為州治 茶陵本屬漢長沙國東漢屬長沙郡晉屬湘東郡南齊屬潭州隋廢入湘潭縣屬衡州唐武德析攸縣復

置屬雲南州貞觀州廢省茶陵縣聖厯復置石晉時地
入馬氏建天策府析屬潭州本朝改屬衡 耒陽秦初
置縣屬長沙漢高帝割長沙南境立桂陽郡耒陽屬焉
東漢為桂陽郡治梁屬東衡州梁陳簡移縣治在鰲山
口隋改曰耒陰唐武德復舊治仍曰耒陽 常寧本秦
耒陽縣地漢屬桂陽郡吳分置新寧縣晉屬湘東郡隋
隸衡州唐開元徙宜江天寶更今名 安仁本衡山縣
安仁鎮地五代時後唐析宜陽熊耳兩鄉置安仁場本

朝置縣

鄆縣本漢茶陵縣地本朝析置

地理沿革表

形勝南嶽在衡陽縣北

東巖在合江亭東

白雲峰

在南嶽下有龍潭

碧雲峰在州城南

雲蓋峰在耒

陽東北

雲阜山在衡陽西舜南巡經此

吐霧峰與

白雲峰相連

朝日峰在屏障山下梅浦水在衡陽東

桃源溪出雲陽五洞

獅子巖在耒陽西

熊耳山

在安仁東南

輿地紀勝

人物三國劉巴諸葛亮薦為左將軍 唐李寬中於尋

真觀初石鼓書院

皇朝本士正講學于石鼓

輿地紀勝

集江亭枕湘江蒸水會其左瞰臨眇空闊綠淨不可唾

韓詩

片帆在柳岸通郭前衡陽

杜詩

春興不知凡幾首衡陽紙

價頓能高

同上

猿到夜深啼嶽麓鴈知春近別衡陽

杜荀鶴

迴鴈峰前鴈春迴盡却迴

元微之

未水波紋細湘江竹葉

輕

同上

臨蒸且莫嘆災方為報秋來鴈幾行

柳詩

本朝以茶陵縣屬衡州紹興九年升茶陵郡後復為縣

乾德三年升安仁場為縣咸平五年析衡陽衡山二

縣地以益之

嘉定四年置鄆縣於臨沔之地

沿革表

曾

觀工部集中載赤沙湖

陶衡

陽春暖鴈飛過兜率雨昏

龍戰稀

兜率一峰傍林開見寶幢鳥行高避縣山骨

下連江

並同上

寶慶府

倚郭一外縣一

邵陽新化

郡號邵陽

邵陵

敏州

沃陽

府沿革楚分於辰在己禹貢荊州之域春秋戰國屬楚

秦屬長沙郡漢屬長沙國及零陵郡東漢屬長沙零陵

二郡吳孫皓分置邵陵郡屬荊州晉懷帝屬湘州義熙屬荊州宋齊梁並屬邵陵國隋廢郡屬潭州唐置南梁州貞觀改邵州天寶曰邵陽郡屬江南道五代地入馬氏又入南唐又入周行逢本朝升府

地理沿革表

縣沿革邵陽本漢長沙國昭陵縣東漢別置昭陽縣屬零陵郡吳置邵陵郡又置高平縣屬焉晉改昭陵縣曰邵陵又改昭陽曰邵陽屬邵陵郡宋并邵陵入邵陽移郡治此又省高平入焉隋廢郡屬湘州唐武德復邵陵縣

七年省入邵陽 新化熙寧六年收復梅山置新化縣

地理沿革

表

形勝梅山在新化縣 杏岡在南隅 龍山介於二邑

之間秀峰四出 熊山黃帝所登 龍池在新化之丈

仙山 濂泉在通道坊因周茂叔攝郡得名 甘泉在

倅廳 法華臺在東山絕頂一郡之勝槩也 文竹山

有石床 紫極宮在城西北 青陽洞在新化 青雲

洞在新化熊膽山下 青山洞在新化北

輿地紀勝

人物皇朝聶致堯邦人列舉孝行節義十事聞于朝旌表其門 金彥號為義門金氏舉孝廉為天下第一

李傑洞明先生之子也帥湖南由邵陽拜松楸

輿地紀勝

本朝寶慶元年以潛藩升寶慶府神宗初置新化縣

見前縣沿革下

冬葉扶疎碧繖團溪山環郭莫窮端

冠準

蒼芷溪

烟映靄山脩然城角起天端

同上

澗水西來兼邵水龍山

橫鶩際梅山

歐陽識

更如何處覓桃源此地端疑小洞天

胡致

舊置義莊賙族黨新持使節拜松楸清湘樓晚揮

金上明月池開衣錦遊

張舜民送李傑帥湖南

郴州

倚郭一外縣五

郴縣

桂陽

宜章

永興

資興

桂東

郡號桂陽 靈壽 宜章 郴義 綠水 廬陽

州沿革翼軫之分野禹貢荊州之域春秋戰國屬楚秦

屬長沙郡漢高帝置桂陽郡三國郡歸蜀後割歸吳隋

置郴州大業復桂陽郡唐置郴州天寶曰桂陽郡屬江

南道五代地入馬氏

地理沿革表

縣沿革郴縣漢高帝置桂陽郡治郴縣歷代因之隋置
郴州治焉 桂陽本漢郴縣地東晉分置汝城縣屬桂
陽郡陳改為廬陽縣及置廬陽郡隋廢郡以廬陽縣屬
郴州唐天寶改義昌縣後唐改郴義縣本朝更今名

宜章隋大業末蕭銑析郴置義章縣唐武德七年省之
八年復置屬郴州本朝更今名 永興本漢桂陽郡便
縣宋省之陳復置隋入省郴縣唐開元置安陵縣天寶
改高亭縣本朝更今名 資興本漢郴縣地東漢置漢

寧縣屬桂陽郡吳改陽安縣晉改晉寧縣隋省之後復
置晉興縣唐貞觀省之咸亨置資興縣屬郴州五代廢
為寨本朝復置 桂東本漢郴縣地本朝析桂陽置
沿革表

地理

形勝靈壽山在郴縣有石室產鍾乳 洞靈山在桂陽

東有洞穴 蘇仙山在郴縣東北蘇耽學道於此 武

丁岡在郴縣西南仙人成武丁葬此 桂水在郴縣西

南合耒陽水 橘井在蘇仙宅

詳見井類

寶雲山寶蓋山在

柳縣東 玉履石在宜章縣東 白鹿洞在蘇仙山口

白豹山在永興縣西白豹水出焉 龍宮灘韓昌黎

有詩

詳見灘類

螺溪水在柳縣西 萬歲山即靈壽山千秋

水出焉

羣玉林在宜章縣

輿地紀勝

人物東漢胡騰坐竇武死行喪禁錮 晉谷儉舉茂才

不仕 唐孟瑄著嶺南異物志 劉瞻唐史稱其行已終

始全潔 皇朝曹靖見山谷文集有曹侯善政頌

輿地紀勝

集故鄉臨桂水今復渺星河

張曲江

飄飄桂水遊悵望蒼

梧暮

杜詩

郴州頗涼冷橘井尚淒清

同上

山作劒攢江瀉鏡

扁舟斗轉疾於飛

韓詩

游鱗出陷浦唳鶴遶仙岑風起三

湘浪雲生萬里陰

柳詩

地盡湘南戍山分桂北林火雲三

月合石路九疑深

戴倫

叔

本朝太平興國元年改郴義縣為桂陽義章縣為宜章

熙寧六年改高亭縣為永興 嘉定四年平倭寇析

郴縣兩鄉於青要置資興縣析桂陽於土村置桂東縣

沿革

橘井蘇仙宅茶經陸羽泉

張嶠

民

郴江常自遶郴山

為誰流下瀟湘去秦少游石橋步月公居後橘井烹茶我

在先折樞密郴山足奇變其水清復美張南軒

荆湖南路

道州

倚郭一外縣三

營道

永明

江華寧遠

郡號春陵九疑江華營道營陽

州沿革楚越之分翼軫之墟禹貢荊州之域春秋戰國屬楚秦屬長沙郡漢屬長沙國及零陵郡蒼梧郡東漢屬零陵蒼梧郡三國初屬蜀後屬吳晉屬零陵郡穆帝

分置營陽郡梁改永陽郡隋廢郡屬永州大業屬零陵
郡唐武德置營州又加南字貞觀改道州尋廢之上元
復置天寶曰江華郡屬江南道五代地入馬氏又入南
唐後周行逢又有之

地理沿革表

縣沿革營道本漢零陵郡營道縣晉置營陽郡梁永陽
郡隋屬永州零陵郡唐武德置州治此天寶改弘道縣
本朝復舊名永明本漢零陵郡營浦縣晉屬營陽郡
南朝分置營陽縣梁改郡縣皆曰永陽隋廢郡省營浦

入永陽屬零陵郡唐貞觀省入營道天授復永陽屬
道州天寶更今名 江華本漢蒼梧郡馮乘縣地吳屬
臨賀郡隋屬零陵郡唐武德析置江華縣屬營州貞觀
屬永州上元屬道州文明改雲漢縣神龍復故名 寧
遠本漢零陵郡泠道縣吳增置春陵縣東晉屬營陽郡
梁陳屬永陽郡隋省泠道入營道而徙營道于泠道又
省春陵入焉屬永州唐武德徙營道於州城乃于此地
置唐興縣屬營州貞觀屬道州天寶改曰延唐大厯又

析延唐置大厯縣屬道州後梁改延唐曰延昌後唐復

故石晉改曰延喜本朝改今名

地理沿革表

形勝九疑山在營道縣北九山相似行者疑惑故名九

疑舜所葬也為第二十三小洞天 五如石在江北岸

左右前後及登石巔皆相似故名五如元結創五如亭

七勝泉在五如石間 天門山天柱山在寧遠 含暉

巖在營道縣又名含暉洞 陽華巖在江華縣又名陽

華洞 紫虛洞在寧遠又名糾巖 碧虛洞在寧遠又

名無為洞 駕鶴峰在州學三元亭之前 驚兔山在

城東

輿地紀勝

人物唐何堅韓丈公有序送之 李季秀代宗時處士

皇朝周堯卿稱篤行君子 周輔成濂溪之父也 周

敦頤字茂叔號濂溪先生著太極圖通書黃太史稱其

胸中灑落有光風霽月氣象二程事之皆為大儒

輿地紀勝

集九疑山深幾千里峰谷崎嶇人不到山中舊有姥仙

家十里飛泉遶丹竈

元結

零陵郡北湘水東浯溪形勝潘

洞中同零桂佳山水

溫

吾聞九疑好風志今欲伸韓詩九

疑深路遶山回木落天晴猿正哀

戴叔倫

江華勝事接湘

濱千里湖山入興新

錢起

本朝建隆三年復以弘道縣為營道 乾德三年改延

喜縣曰寧遠省大厯縣入焉熙寧五年省永明縣為鎮

入營道元祐二年復置

沿革表

定王此地元卑濕義帝江

山最上游

陶弼

雲斷蒼梧竟不歸江邊古廟鎖朱扉山川

不為興亡改風月應憐感慨非

陸放翁

永州

倚郭一
外縣二

零陵

東安

祁陽

郡號零陵

瀟湘

浯溪

泉陵

東安

州沿革翼軫之分野禹貢荊州之域春秋楚之南境戰

國楚地秦屬長沙郡漢屬長沙國零陵郡武帝元鼎六年

置三國初屬蜀後入吳隋開皇廢郡置永州後又曰零

陵郡唐置永州天寶曰零陵郡屬江南道五代初馬氏

有之

地理沿
革表

縣沿革零陵本漢零陵郡之泉陵縣東漢為零陵郡治

晉惠帝分置應陽縣隋置州改泉陵縣為零陵而省應陽入焉 東安本漢泉陵縣地本朝析置 祁陽本漢泉陵縣地吳分置祁陽縣又置永昌縣隋省二縣入零陵郡唐武德復置祁陽屬永州貞觀初廢之四年復置

地理沿

華表

形勝湘水在零陵縣北其水至清兩岸石壁高者不啻千丈 瀟水在零陵縣南三十步至道州境合湘水 黃溪在州北九十里柳文有記 丹岸在州南百里石色

如丹 愚溪在州西一里柳子厚名之 賢水在州南

秦時賢士周正實居之 西山在零陵西 東丘在龍

興寺 鈷鉏潭在州西五里 楊柳源在縣北 白鶴

山在祁陽 黃龍嶺在州北

輿地紀勝

人物漢鄭產為白土嗇夫勸百姓勿殺子代出口錢因

更名白土為更生鄉 三國蔣琬為蜀丞相 黃蓋赤

壁之役建策火攻 唐史青上書自薦五步成詩 唐

傑號唐孝子 皇朝路振試卮言日出賦 陳亨伯靖

康死虜中蔣緯楊誠齋為作傳

輿地紀勝

集瀟湘水國旁龜鼉

杜詩

湘水永州路水碧山崒兀古木

暗魚潭陰雲起龍窟

李詩

朝陽崑下湘水深朝陽洞口寒

泉清

元結

日晴瀟湘渚雲斷岫嶠岑

柳詩

欸乃一聲湘水綠

同上

殘鴈泛舟何處好最多吟興是瀟湘

杜荀鶴

本朝雍熙元年以零陵縣之東安場置縣

沿革表

牕外秋

聲湘瑟怨檻前行色楚帆飛

劉能

零陵郡北雲帆落信美

臺前江月明

李當遇

二江明月九峰雲雲月堂中希靜人

笑渠池淺蛙迎雨，鉤鉤潭空馬送春。

陶弼

青玻璃盆插千

峰，湘江山青無古今。何處拭目窮表裏，太平飛閣暫登

臨。朝陽不聞皂蓋下，愚溪但有古木陰。

黃魯直

湘江佳致

在浯溪，元結雄文向此題。想得後人無以繼，高名長與

白雲齊。

陳銜

水部胸中星斗文，太師筆下蛟龍字。

張文潛

魯

君筆端昭日月，次山書法得春秋。

趙不

地老天荒元子

宅，烟霏霧鎖魯公碑。

楊長孺

元顏文字照浯溪，神物于今

常護持。岸邊尚有堪磨處，留刻中興第二碑。

同上

全州

倚郭一
外縣一

清湘
灌陽

郡號清湘 瀟湘 湘源 三湘

州沿革楚地翼軫之分野禹貢荊州之西境歷代地理

並同永州五代石晉天福置全州

地理沿革表

縣沿革清湘本漢零陵郡北陽縣地隋省北陽置湘源

縣屬零陵郡唐屬永州五代馬氏改今名後置全州治

此 灌陽本漢零陵郡零陵縣地吳分置觀陽隋省入

湘源大業蕭銑置灌陽縣屬永州唐武德省之上元復

置石晉置州灌陽屬焉

地理沿革表

形勝湘水在其北 灘水在其南 黃華山在湘源

青田巖在清湘 巖淨水在灌陽 凍青水玉髓泉在

清湘 龍川山在灌陽 龍隱巖獅子巖華巖巖波斯

巖皆在清湘

輿地紀勝

人物皇朝朱孝誠母卒結庵墳域冬笋生瑞竹以蓋其墳其後郡守碣孝誠之墓曰朱孝子墓其子揚善又於墓側為庵以守其孫浩以母多病終身不娶不飲酒食

肉蔣舉居母喪結廬墳側芝生於拳石詔旌表門閭

輿地紀勝

集殘陽楚水畔獨吊舜時人不及廟前草至今江上春

竇羣題

二妃廟

本朝南北東西幾萬峰郡城如在畫屏中何人截斷湘

妃竹半醺秋江作釣筒

陶弼

嶺開蠻壤斷北路下湘川綠

水紋如染丹楓色欲燃

同上

湘是相分義灘為離別名

宋成

眷彼湘源之遠實惟嶺管之衡

余元一

風生化於中區郡

境亘於南粵

沈現撰
壁記

武岡軍

倚郭一
外縣二

武岡
新寧

綏寧

郡號都梁

夫夷

武強

武攸

軍沿革楚地翼軫之分禹貢荊州之域歷代地理並同

寶慶府本朝置軍

地理沿革表

縣沿革武岡本漢零陵郡都梁縣吳屬邵陵郡晉武帝
分都梁置武岡縣又別置建興縣屬邵陽郡宋省武岡
入都梁又省建興隋省都梁入長沙郡邵陽縣後復置
武攸縣唐武德改武攸曰武岡又置建興縣屬南梁州

後屬邵州七年省建興入武岡本朝置武岡軍治焉

新寧本漢零陵郡夫夷縣吳屬邵陵郡隋省入長沙郡

邵陽縣五代地入於溪蠻本朝收復置新寧縣 綏寧

本溪峒地本朝置縣

地理沿革表

形勝日華山月華山在武岡之雲山 明月池深百丈

見底 寶方山在濟川門外有八巖洞 金城山在武

岡縣界 金洞驛在綏寧縣 紫陽山有周諫議讀書

堂 滄浪水屈原見漁父處 投龍洞在雲山 放鶴

坡梁崔穆於此羅得二鶴放之得玉璧一雙芙蓉洞

在綏寧縣 薔薇水見類要 都梁山在縣東一百三

十里 武岡因漢伐五溪蠻保此岡故曰武岡左右二

岡對峙

興地
紀勝

人物五代鄧處訥為邵州刺史會節度使閔育為周岳
所殺處訥興兵問罪攻岳斬之 皇朝周儀為嘉祐名

臣

興地
紀勝

集黔山之巘巫水之碁

柳文武
岡銘

願銘武岡以慰我心

同上

本朝崇寧四年以郡州疆境廣漠析武岡綏寧二縣置

武岡軍 熙寧七年得洞蠻徽州之地建蒔竹縣屬邵

州元豐六年廢之崇寧二年復置為綏寧縣屬武岡軍

又臨口

關

亦化外琴州之地崇寧四年置臨岡縣紹

興省入綏寧復為寨 紹興二十五年收復晚洞徭楊

再興所據地置新寧縣屬武岡軍

沿革表

控制溪洞彈壓

諸蠻

崇寧
救牒

疆境闊戶口繁市井稠密商旅往還 楚際

南壤元冥無所不統

並同上

杏花洞大路崎嶇曾見千年

石斛奴試問金城山裏事只言仙境似蓬壺

李思聰

杏花

塢接投龍洞瀑濺蒼崖鶴骨寒

上同

黛染峰巒水染藍右

分湖北左湖南 前江後嶺通雲氣萬壑千林送雨聲

陳簡齋

山中八洞列天巧於此覩誰謂寶方小方是洞天

數

鄭汝諸

桂陽

倚郭一外縣二

平陽

藍山

臨武

郡號平陽 藍山 南平 小桂郡

軍沿革楚分野於辰在巳禹貢荊州之域歷代地理並

同郴州本朝置軍

地理沿革表

縣沿革平陽本漢桂陽郡郴縣地晉置桂陽縣屬平陽

郡陳郡縣俱廢隋大業末蕭銑復置唐武德十年省之

八年復置屬郴州五代廢之本朝復置隸桂陽 藍山

本漢桂陽郡南平縣地宋省之唐咸亨復置屬郴州天

寶改今名本朝改屬桂陽 臨武本漢桂陽郡臨武縣

隋屬郴州唐如意改曰隆武神龍後舊名五代廢之本

朝復置屬桂陽

地理沿革表

形勝藍嶺在平陽跨藍山縣界 藍山在本縣 鑑湖

在軍治盛夏不涸 豐湖源出寶積山前 金粟巖在

臨武西北 寶山廟在軍治西 芙蓉山在城西下有

蒙泉 楊梅山在臨武 鹿頭山在東門 獅子巖在

平陽白竹岡下 襄陽山華陰山晉平山皆在藍山縣

輿地
紀勝

人物晉谷儉為甘卓所舉恥州少士試高第除郎中

唐劉景擢第劉禹錫以詩送之 皇朝葉盖以賦魁上

庠見者目為南瑞 黃照隣為職方郎中有讀書堂在

郡西二里邦人號曰職方岩

輿地紀勝

集秦雲連天海相接桂水橫烟不可涉

李白

千里楓林烟

雨深無朝無暮有猿吟

元微之

本朝天禧元年置桂陽監復置平陽縣治郭下紹興三

年升桂陽郡復置臨武縣隸焉 景德元年以郴州藍

山縣隸桂陽監

沿革表

一從投迹三湘外兩度登高五嶺

間

張舜民

嶺開越嶠通交趾路轉荆門入九疑

潘正夫

鹿頭

屹立青疑淦龍渡橫飛勢欲來

杜圭

官中逐月催租稅不

征穀帛只征銀

阮章

記纂淵海卷十三

欽定四庫全書

記纂淵海卷十四

宋 潘自牧 撰

郡縣部

荆湖北路

江陵府

倚郭一
外縣六

江陵
公安

潛江

監利

松

滋

枝江

石首

荆南節度 湖北路安撫司

郡號荊州

南郡

郢都

渚宮

龍山

臨山

公

安石首

府沿革楚地翼軫分野鶉尾之次禹貢荊州之域春秋
楚都戰國楚地秦置南郡漢高帝臨江郡復為南郡景
帝臨江國復為南郡武帝置荊州三國初歸蜀後屬吳
晉改新郡尋復為南郡又分置南平郡梁元帝都此西
魏以封後梁置江陵總管府陳置荊州於公安隋大業
為南郡唐武德為荊州貞觀屬山南道為督都府天寶
江陵郡上元升府貞元為荊南節度五代高季梁據之

本朝為江陵府江陵郡

地理沿革表

縣沿革江陵本秦南郡之臨江縣漢景帝改江陵為郡
治又置郢縣東漢省郢入江陵西魏屬江陵總管府周
因之隋為荊州治唐為江陵府治 公安本漢武陵郡
之孱陵縣蜀先主名其地曰公安晉屬南平郡又置江
安縣南朝改江安為公安陳於此置荊州隋省孱陵入
公安屬南郡別置孱縣屬澧州唐為江陵府公安縣
潛江本漢江陵縣地本朝析置 監利本漢南郡華容

縣吳置監利縣尋省之晉太康後置屬巴陵郡懷帝屬成都郡又增置豐都縣愍帝省豐都入監利仍屬南郡宋屬巴陵郡隋屬沔陽郡唐屬復州後梁屬江陵府松滋本漢南郡高城縣地東漢省之晉於此僞立松滋縣南朝並屬河南東郡隋廢郡屬荊州唐屬江陵府

枝江屬漢南郡魏屬臨江郡吳以後屬南郡唐屬江陵府上元分置長寧縣尋省枝江入焉大厯後置枝江而省長寧入焉石首本漢華容縣地晉置石首縣南朝

省之唐武德復置屬荊州

地理沿革表

形勝龍山在江陵孟嘉登高吹帽處 虎山在龍山西

虎洲在公安與龍穴相對 金堤在江陵之靈溪

玉湖在江陵縣東 雞鬬山在松滋 虎渡堤在大江

南岸 梅平洞在松滋縣西上有石洞可容數百人

桃源洞在府城東南 青楊山在松滋 青楊湖在潛

江 赤湖城在江陵 碧澗溪在松滋有碧澗寺

輿地紀勝

人物三國霍峻守葭萌城先主招之曰頭可棄城不可

得石偉孫休時仕至光祿勳吳平佯狂不受晉爵

南史劉之遴八歲能屬文公虬曰此兒必興吾宗庾

曼倩早有令譽庾域小有名梁文帝美其才曰荆南

杞梓唐俞文俊武后時新豐山移文俊上書言女主

居陽位故山變為災后怒流嶺南皇朝李堯言李立

言李竦同時致仕號挂冠三李朱昂朱協兄弟致仕

賜宴玉津園號渚宮二疏唐介為御史論事不屈

孫偉自號七澤老漁樂京熙寧中不肯行助役法弃

官而去

興地紀勝

集江村竹樹多於草山路塵埃半是雲

姚合

東彌夏首濶

西拒荆門壯

張九齡

府中丞相閣江上使君灘

孟浩然

此府

雄且沃驕凌盡戈矛

韓詩

江陵城西三月尾花不見桃惟

見李

同上

漢水照天碧楚山插雲青江陵珠比橘宜陽酒

似錫

白居易

簾幕青山巫峽雨烟開碧樹渚宮秋

武元衡

江

陵道途遠楚俗雲水青

元微之

楚地八千里槃桓此都會

魏我數里城遠水相映帶

李白

本朝淳熙元年改荊南府尋復改江陵府 乾德三年

以漢江陵縣地置潛江縣以漢華容縣地置建寧縣熙

寧六年省入石首元祐元年復置崇寧五年復省 建

炎初升公安縣為公安府尋復為縣

沿革表

紀南遙望水

城寬水色天光混一般大抵江鄉足詩景詠吟如把畫

圖看 自有碧江無限好荊州佳景不須山

鄭解

地連雲

夢澤人在水晶宮

山谷

兩岸垂楊遮虎渡一番青草覆龍

洲

張景

地連雲夢水無邊天斷夷陵欲盡山曾是劉虬高

飲地不知何處扣玄關

張天覺

武昌府

倚郭一外縣六

江夏崇陽

武昌

蒲圻

咸

寧

通城

嘉魚

武昌軍節度

沿江制置副使司

湖北

轉運司

湖廣總領所

都統制司

郡號東鄂

鄂渚

渚宮

沙陽夏納

夏口

魯口

府沿革翼軫之分鷄尾之次禹貢荊州之域春秋戰國

屬楚秦屬南郡漢屬江夏郡三國初屬魏後入吳孫權分

置武昌郡都此晉武昌郡東晉末武昌江夏二郡地宋
置鄧州治江夏梁分置上雋郡及州尋廢州隋廢郡改
鄂州大業時為江夏郡唐為鄂州貞觀屬江南道天寶
為江夏郡元和升武昌軍額五代地入吳楊氏南唐李
氏

地理沿革表

縣沿革江夏本漢江夏郡沙羨縣吳初屬武昌郡後省
之晉太康後置咸和中僞置汝南郡孝武省沙羨義熙
以汝南縣屬江夏隋置鄂州改縣曰江夏 崇陽本漢

長沙郡下雋縣宋屬巴陵郡梁置上雋郡陳改雋州尋
復為郡隋廢郡省縣入蒲圻唐天寶分蒲圻置唐年縣
後梁改臨夏吳楊氏改宗陽南唐復為唐年石晉改臨
江本朝改今名 武昌本秦鄂縣隸南郡漢屬江夏郡
吳孫權改武昌都置武昌郡後遷都建業晉太康增置
鄂縣東晉為江州治宋二縣並屬武昌郡齊又僑置義
寧縣尋廢之隋屬鄂州省鄂縣入武昌後置城塘縣大
業廢之本朝置郡後復廢之 蒲圻本漢沙羨縣地晉

太康初置屬長沙郡宋元嘉屬已陵郡孝建屬江夏郡

隋屬鄂州 咸寧本江夏之南境唐大厯置永安鎮南

唐升縣屬鄂州本朝改今名 通城本漢下雋縣地唐

元和置通城鎮本朝升縣 嘉魚本漢沙羨縣地晉太

康徙置沙陽縣屬武昌郡宋元嘉屬已陵郡孝建屬江

夏郡梁置沙州尋廢之隋省沙陽入蒲圻南唐置嘉魚

屬鄂州

地理沿革表

形勝夏口在荆江之中正對沔 夏首夏水之首江之

汜也 潁山在咸寧縣南山如展旗 靜山在江夏縣

東半面山在江夏東半面產草木 八分山在江夏

東南水流分如分字有八分湖八分院 赤壁山在蒲

圻吳周瑜焚曹公舡處 白望山在咸寧縣西 鳳凰

山在江夏縣北鸚鵡洲在城西南禰衡遇害處 黃龍

山在通城 黃鵠山在江夏 龜湖山在嘉魚西南

龍洞山在通城縣南 寶蓋山在通城東 銅盤堤在

咸寧南

輿地紀勝

人物吳孟宗至孝母嗜冬筭宗入林哀嘆筭為之出

晉孟嘉征西大將軍唐李善注文選子李邕為北海

太守號李北海李鄴邕之從孫吐突承璀薦之引疾

辭位元結製大唐中興頌皇朝馮京進士第一人

李宗孟年十一名試兩掖陳卓有田五千而兄之

田止一千願合戶而同之

興地紀勝

集乘鄂渚而反顧兮款秋冬之緒風

楚辭

過夏首而西浮

兮顧龍門而不見

同上

浮鄂渚而駕言背夏首以窘逝

陸雲

賦

落帆黃鵠之浦藏船鸚鵡之洲

庾信賦

我且為君掇

碎黃鶴樓君亦為吾擣却鸚鵡洲赤壁爭雄如夢裏且

須歌舞寬離愁

李白

路指鳳凰山北雲衣霜鸚鵡洲邊雨

岑參

江邊黃鶴古時樓勞置華筵待我遊楚思蒼茫雲水

冷商音清脆管絃秋白花浪濺頭陀寺紅葉林籠鸚鵡

洲總是平生未行處醉來堪賞醒堪愁

白居易

本朝開寶八年改臨江縣為崇陽縣景德四年改永

安縣為咸寧縣熙寧五年升通城鎮為縣元豐八年

屬岳州元祐七年来屬紹興五年廢為鎮十七年復置

嘉定十五年升武昌縣為壽昌軍紹定復為縣屬鄂

州

沿革表

孤烟漢川樹長笛武昌人

劉摯

鶴樓試望晴霞斷

鸚渚行吟綠蕙香

梅詢

鸚洲有客弔芳草黃鶴無人吹落

梅

劉奉世

但見石城多草木定知江夏久興亡

張舜民

黃鶴

樓鸚鵡洲碧水欲合天自浮芳草無情春亦秋
欄衡白

骨瘞何處曹王舊曲無人收

郭棻正

常德府

倚郭一外縣三

武陵

桃源

龍陽

沅江

常德軍節度 湖北提刑司提舉司

郡號武陵 鼎水 桃源 臨沅 黔中

府沿革翼軫鶉尾之次禹貢荊州之域春秋屬楚戰國
楚黔中地秦黔中郡漢高帝改武陵郡三國初入蜀後
入吳梁置武州後改沅州隋廢郡改朗州大業復武陵
郡唐武德曰朗州天寶曰武陵郡屬江南道後周升武
平軍本朝改鼎州

地理沿革表

縣沿革武陵漢武陵郡索臨沅二縣以索為郡治東漢臨

沅為郡治陽嘉更索曰漢壽為荊州刺史治魏徙荊州
治江陵吳改漢壽曰吳壽晉復名漢壽隋治朗州改臨
沅曰武陵省漢壽入焉 桃源東漢治沅南縣屬武陵

郡隋省入武陵本朝析置桃源縣 龍陽本漢索縣地

吳初置縣歷代並屬武陵郡 沅江本漢長沙國益陽

縣地梁置重華縣隋改安樂後改沅江屬岳州唐乾寧

改橋江五代屬朗州本朝復曰沅江

地理沿革表

形勝朗水在武陵縣 沅水經武陵南注洞庭 桃源

晉時漁人嘗至其地見秦時隱者今為第三十五小洞
天 橘洲在龍陽縣吳李衡植柑其上號木奴千頭

天門山岩中有書數千卷人不可取 風門山在武陵

龍泉池在府東 龍岩山在武陵 三脊茅九觔鼈

並產沅江

輿地紀勝

人物虞善卷舜遜以天下不受今有壇在柱山 蜀廖

立孔明稱為楚之良才 吳潘濬以五千兵擒蠻人樊

佗 梁伍安盆撰武陵地理紀 皇朝陳陽舉八行不

就

興地紀勝

集西漢開支郡南朝號戚藩四封當列宿百雉俯清沅

茗拆蒼溪秀蘋生枉渚暄沈約臺榭故李衡墟落存

劉禹

錫詩集

沅江清悠悠連山鬱岑寂

星象承鳥翼蠻貊想

犬牙俚人祠竹節仙洞閉桃花北渚弔靈均長岑思

亭伯

並同上

昔日狂秦事可嗟直驅雞犬入桃花至今不

出烟溪口萬古潺湲二水斜

李

霧暗烟濃草色新一番

流水滿溪春可憐漁父重來訪只見桃花不見人

同上

本朝建隆削武平軍額大中祥符改鼎州政和升常德

軍額隆興升府 乾德元年析武陵置桃源縣後以橋

江為沅江縣屬岳州後改隸常德

沿革表

武陵控扼五溪

徭路入京城萬國朝石櫃雄排沅水勢浮圖高聳接雲

霄丹砂井湧三泉脉玉帶河橫六畫橋

楊川

曲臺風月德

山雲夢想中間今幾春臣葬江魚終愛楚民逃花洞不

思秦

陶弼

鎖斷桃源一窟春避秦日月無歸處

徐東野

花片

已隨山水雲層虛鎖洞中春

王祐

德安府

倚郭一
外縣三

安陸

雲夢

應城

孝感

安遠軍節度

郡號安陸

環岳

安遠

鄖州

安州

府沿革翼軫分野禹貢荊州之域春秋鄖國楚滅之戰
國楚地秦屬南郡漢高帝分置江夏郡三國初屬魏中
屬吳後又屬魏宋分置安陸郡梁置南司州尋廢西魏
置安州總管府周置鄖州及安陸郡隋廢郡為安州大
業後安陸郡唐武德改安州後為大督都府屬淮南道

天寶曰安陸郡貞元為奉義軍節度後罷後唐升安遠

軍本朝升府

地理沿革表

縣沿革安陸縣屬漢江夏郡晉為郡治宋安陸郡梁南
司州西魏安州隋安陸郡唐安州皆治此 雲夢本漢

江夏郡治西陵縣西魏置雲夢縣屬城陽郡隋為安陵
郡 應城本漢江夏郡雲杜縣地西魏置應城縣屬陽

城郡隋大業改應陽屬安陸郡唐武德後故名屬安陸
州省入雲夢大和後置天祐後改應陽後唐後曰應城

孝感本漢安陸縣地宋置孝昌縣屬江夏郡梁置永陽縣及應州西魏置岳州及岳山郡後周並省隋開皇廢郡梁置永陽以孝昌屬安州永陽為吉陽唐武德置環州及環陽縣州廢省環陽入孝昌來屬寶應屬沔州又歸安州元和省孝昌入雲夢省吉陽入應山後皆復置後唐改孝昌為孝感本朝省吉陽入焉

地理沿革表

形勝鐵城山石柱山在府北 石梁山在府西北石岩山在府南 石牛潭金龍澗在府西北 四望山九壩

山八境岩在孝感縣 紫金山在府西北 碧玉亭在

府南 珍珠坡在雲夢縣

輿地紀勝

人物楚鬪穀於菟即令尹子文 東漢黃香號江夏黃

童子黃瓊為太尉黃琬瓊之孫

對日事見日食類

唐許紹與唐

高祖同學 皇朝鄭獬魁多士 宋庠宋祁寓居安陸

文學冠世天下謂之二宋 王德臣有註和杜詩及塵

史 郭贊為上蔡令金人入不屈死

輿地紀勝

集遙送扁舟安陸郡天邊何處穆陵關

王昌齡

還把餘杯

重相勸不堪秋草背郎城羅隱暮雨不知湏口處春風只

到穆陵西

劉文房

本朝宣和元年以神宗潛藩升德安府 開寶二年

省吉陽縣入孝感 熙寧二年省雲夢縣入安陸元祐

復置

沿革表

安陸號方鎮江邊無事州范雍郎川夢澤地古

迹堪詞求白兆桃花岩翰林棲比丘

同上

紫金高處是鰲

頭獨負華堂幾百秋形勢平吞北夢澤規模雄峙南司

州

李輯

白兆山光相掩映紫金氣象轉深幽

同上

樓在浮雲

縹緲間浮雲破處見朱欄山光對入郎城紫溪影橫飛

夢澤寒

鄭獬咏
浮雲樓

荆湖北路

岳州

倚郭一巴陵
外縣三華容

平江臨湘

岳陽軍節度

郡號巴陵

巴川

岳陽

華容

羅水

洞庭

州沿革楚分翼軫之次禹貢荊州之域三苗之地春秋
戰國屬楚秦以後屬長沙郡三國初入蜀後歸吳晉元

康置建昌郡咸康省之宋元嘉置巴陵郡梁兼置巴州
隋廢郡改岳州大業改羅州後為巴陵郡唐武德巴州
六年改岳州天寶曰巴陵郡五代入楚馬氏

地理沿革表

縣沿革巴陵本漢長沙郡下雋縣地晉太康置巴陵縣
宋置巴陵郡治梁為巴州治隋為巴陵郡治 華容本
漢武陵郡孱陵縣地晉武置南安縣屬南平郡隋改華
容縣屬岳州唐垂拱改容城神龍復故 平江本漢長
沙郡羅縣地東漢置漢昌縣吳改曰吳昌隋省入羅縣

屬巴陵郡唐省羅入湘陰神龍分湘陰置昌江縣屬岳
州後唐改今名 臨湘本晉巴陵縣之王朝塲本朝置

縣

地理沿革表

形勝君山在洞庭湖中帝之二女居之曰湘君湘夫人

湘水至清雖深見底

洞庭湖

詳見湖類

雲夢澤雲在江

北夢在江南 紫閣山見杜牧詩 赤亭湖在華容縣

玉筍山在湘陰屈原於此九歌詞金船洞在平江岳

陽樓下瞰洞庭

洞庭山

即君山也

幕阜山在平江為第二

十五小洞天 道岩山梅仙山仙郎洞仙女岩皆在平
江石龍洞在臨湘界中 玉猴山在華容界 昌江山
在平江境仙人艾君居之有石壇芙蓉池金線洞飛仙
石溫泉山有別出山凡五曰天岳天柱雷臺雷公幕府

輿地
紀勝

人物唐以來隱君子鄭田二劉山人嵇處士劉長卿李
頻王昌齡鄭谷

自劉長卿以下
各有詩篇傳世

黃誥登熙寧第 李平

西登元符第靖康中與李綱奏守禦之策

輿地
紀勝

集三湘淪洞庭七澤藹荆牧

顏延之

清晨登巴陵周覽無

不極

李白

山青滅遠樹水綠無寒烟風清長沙浦霜空雲

夢田

帝子瀟湘去不還空餘秋草洞庭間淡掃明湖

開玉鏡丹青畫出是君山

樓觀岳陽盡川迴洞庭開

鴈引愁心去山啣好月來

並同上

西泛平湖盡差參入亂

山東瞻岳陽郡汗漫太虛間

張說

江國踰千里山城近百

層

杜詩

雲夢夕陽愁裏色洞庭春浪坐來聲

崔櫓

夜纜洞庭

舟叢茼纜可傍明登岳陽樓輝煥朝日亮

韓詩

湖光秋色

兩相和潭面無風鏡未磨遙望洞庭山木翠白銀盤裏

一青螺

劉禹錫

本朝宣和二年升岳陽軍額紹興二十五年改純州華

容軍三十一年復舊淳化四年升王朝場為王朝縣

至道改臨湘縣

沿革表

欹枕夜聽瀟湘雨扶筇秋望洞庭

山

呂蒙正

滿川風月獨凭欄綰結湘娥十二鬟可惜不當

湖水面銀山堆裏看青山

山谷

一境并吞雲夢國四時閒

澹洞庭天

彭浚明

萬里山川寬眼界兩湖風月送天涯

范宗

澧州

倚郭一
外縣三

澧陽

安鄉

石門

慈利

郡號澧陽

澧水

澧陵

澹澧

松門

石門

州沿革翼軫鵜尾之次禹貢荊州之域春秋戰國屬楚

秦屬黔中郡漢屬武陵郡吳孫休置天門郡晉安帝僞

置南義陽郡隋廢郡置松州尋改澧州大業為澧陽郡唐

屬江南道五代地入楚馬氏

地理沿革表

縣沿革澧陽本漢武陵郡零陽縣地晉太康分置澧陽

縣屬天門郡宋省之隋復置為郡治安鄉本漢武陵郡

孱陵縣地東漢分置作唐縣亦漢壽縣地晉置南平郡
治作唐宋置義陽郡隋改作唐為孱陵又置安鄉縣並
屬澧州唐貞觀省孱陵入安鄉石門本漢零陽縣地
吳置天門郡隋廢郡置石門縣慈利本漢零陽縣吳
又置淩中縣晉置天門郡治零陽後省淩中南朝又省
零陽周置衡州隋開皇復置零陽後改慈利又於衡州
置崇義縣改衡州曰崇州大業州廢唐二縣屬澧州麟
德省崇義入慈利

地理沿革表

形勝澧水在澧陽縣南 崇山即放驪兜之所 蕪泉
在大同山 湯泉在慈利有三處 獨浮山在澧陽浮
丘子修道於此 層步山在石門 雷山洞在慈利張
宗洞之側 仙女洞在石門紫和山之陽 鴛鴦浦在
慈利 鸛鵲湖在澧陽 天門山一名嵩梁山在慈利
有六十峰 石桂城在慈利 黃石山在石門 赤崖
山赤松城白公城皆在慈利

輿地
紀勝

人物春秋白善將軍不從白公之亂 申鳴以孝聞後

相楚殺白公 晉車武子聚螢讀書 唐李羣玉放懷

丘壑吟詠性情

興地紀勝

集望涪陽兮極浦

楚辭

遺余珮兮澧浦

同

秋原被蘭葉春

渚漲桃花

劉禹錫

芳意悵搖落蘭芷謝汀洲

李羣玉

濡毫亂

寫湘江月

同上

本朝忠以申鳴著學有車公優外挹蘭江水下俯仙明
洲讀書謂羣玉探藥思浮丘況得子厚語謂冠南漢州

沅州

倚郭一
外縣二

廬陽

麻陽
黔陽

郡號潭陽

黔陽

龍標

沅陵

州沿革鵠尾楚分禹貢荊州之域春秋戰國楚地秦黔
中郡地漢以後武陵郡地梁陳屬沅陵郡隋屬辰州唐
貞觀以辰之龍標縣置巫州天授改沅州開元復曰巫
州天寶曰潭陽郡大厯改叙州衰沒于溪峒

地理沿
革表

縣沿革廬陽本漢武陵郡無陽縣晉置舞陽縣宋省之

梁

闕

州唐垂拱析麻陽縣地

置龍門縣屬辰州先天析龍標置潭陽縣屬叙州並廢
本朝置盧陽縣屬沅州 麻陽唐武德分沅溪辰溪初

置屬辰州又為錦州招諭縣後廢之本朝以麻陽來屬

黔陽本漢武陵郡鉶城縣地宋省之唐貞觀置朗溪

縣屬叙州後廢為黔江城本朝復升為黔陽縣

地理沿革表

形勝沅水在黔陽 潯水在盧陽 龍溪在鎮江寨

屏溪在盧陽界 鴟井出硃砂 花山竹山在盧陽

金斗崖在黔陽 錦州渡在麻陽 雙髻峰在盧陽

七寶山在黔陽 龍井洞在盧陽有三洞曰龍井乾井

小井 大浴洞在黔陽

興地紀勝

集令沅湘兮無波楚辭沅有芷兮澧有蘭同上沅湘萬里秋

杜詩楊花落盡子規啼聞說龍標過五溪我亦甘心寄明

月隨君直到夜郎西李白送王昌齡叙浦潭陽隔楚山離樽不

用起愁顏王昌齡南浦逢君嶺外還沅溪更遠洞庭山同上

沅水羅紋海燕回柳條牽恨到荆臺定知行路春愁裏

故郢城邊見落梅李羣玉送客

本朝熙寧七年收復兼得唐錦獎二州地置沅州治盧陽縣今鎮江鋪乃龍標縣龍門鋪乃唐龍同縣以辰州麻陽縣來屬先是端拱三年復置招諭縣屬辰州至是亦屬焉八年省入麻陽今錦州寨乃唐錦州元豐三年升黔江城為黔陽縣來屬

沿革表

草暖聞鳴鹿江清對飲

猿何時一樽酒重上謝公軒

陶弼軒乃羣山樓

謝公

辰州

倚郭一外縣三

沅陵淑浦

辰溪

盧溪

郡號辰陽

辰溪

淑浦

義陵

盧溪

巫黔

州沿革翼軫鶉尾之次禹貢荊州之域春秋屬楚戰國秦取之置黔中郡漢武陵郡三國初入蜀後歸吳陳置沅陵郡隋廢郡置辰州大業復沅陵郡唐置辰州天寶曰盧溪郡屬江南道五代地入楚馬氏

地理沿革表

縣沿革沅陵本漢武陵郡沅陵酉陽二縣地晉後廢酉陽陳置郡隋為辰州治所 叙浦本漢武陵郡義陵縣地東漢省義陵唐武德分辰溪置叙浦縣 辰溪本漢武陵郡辰陽縣晉省之宋復置梁又置建昌縣及南陽

廢建昌隋改辰陽曰辰溪改南陽郡為壽州又改兗州
大業廢之屬沅陵郡唐屬辰州 盧溪本漢沅陵縣地
梁置盧州隋廢之後蕭銑置盧溪縣唐武德屬辰州

地理

沿革
表

形勝五溪為雄溪楠溪酉溪瀟溪辰溪 辰水出三吳
山 盧水在盧溪縣西 沅水在辰溪縣 酉水在州
西北 淑水在淑浦縣 紫山在州西南 丹端在沅
溪君山 漱沅山怡容山皆在沅陵 高明山淑浦有

高明澗 光明山在沅陵 大酉山在沅陵為第二十

六小洞天 紫溪山在淑浦 青浪灘在沅陵 龍門

山出硃砂 龍池洞在淑浦 半月灣在辰溪 明月

山在沅陵 明月洞在淑浦

輿地紀勝

集朝發枉渚兮夕宿辰陽

楚辭

入淑浦而逶迤

同上

廬溪郡

南夜泊舟夜聞南崖羌戎謳

王昌齡

滔滔武陵一何深鳥

飛不渡獸不能臨嗟哉武溪多毒淫

馬援南征作歌名武陵深

本朝六月五溪邊溪深氣象偏晝陰疑雨後久冷覺秋

先棧倚臨崖石竿通隔嶺泉

陶弼

草芾人朝醉畚田夜火

明採金人簇青莎岸射虎兵圍黃葉林

並同

瞿柏庭

之石碑可讀馬伏波之銅柱猶存

賀張守啓

靖州

倚郭一
外縣二

永平

會同

通道

郡號誠州

州沿革鵜尾楚分秦屬黔中郡漢屬武陵郡武帝牂牁
郡唐為夷播叙三州之境五代馬希範有地後周稱徽
誠二州皇朝十洞豪長楊通蘊送款內附

興地紀勝餘
見後本朝下

縣沿革永平本沅州貫堡寨地有云叙州地 會同昔

在狼江寨之上 通道本唐之舊置縣基莫知其名

並興

地紀勝餘見

後本朝下

形勝飛山在州北俗呼為勝山 沅江出西南番界

九疊山山勢盤紆九峰相次 六王溪在永平貫堡寨

多星江在通道縣 芙蓉江來自湖南 菖蒲與武

岡之嶺綏寧分界 侍郎山佛子嶺皆在州南 寶溪

在城東北 一玉山潭水會于渠河入於郎江 福湖

峰在州南 旺溪山在會同縣 雞公縣本唐舊縣今

屬永平通道一縣分界九溪十湖

輿地紀勝

本朝太平興國五年楊通寶來貢朝廷以為誠州刺史

熙寧九年收復元豐四年置誠州元祐二年降為渠

陽軍尋廢為寨五年復置誠崇寧二年改名靖州

沿革表

元豐六年置渠陽縣為州治崇寧改永平縣置三江

縣尋改為會同縣以羅蒙縣為通道縣

並同上 按羅蒙名不知起於

何時會要又作羅
岐縣未知孰是

荆湖北路

峽州

倚郭一
外縣三

夷陵
宜都

長陽

遠安

郡號夷陵 西陵 三峽 夷山 夷都

州沿革鷄尾之次禹貢荊州之域春秋戰國屬楚秦漢
屬南郡魏分置臨江郡蜀改宜都郡吳以後因之梁無
置宜州西魏改拓州後周改硤州隋大業為夷陵郡唐
武德改峽州自下牢戍徙治步闡壘天寶曰夷陵郡屬
山南道五代高季興有其地

地理沿革表

縣沿革夷陵屬秦南郡漢為都尉治東漢建中屬新城
郡魏為臨江郡治蜀宜都郡吳改曰西陵為重鎮晉太
康復曰夷陵為宜都郡治梁宜州西魏拓州周硤州皆
治焉隋置郡又分長陽置巴山縣屬清江郡後省之唐
置州後置巴山縣屬睦州貞觀來屬天寶日省入長陽
五代高氏復置巴山縣本朝省之 宜都本秦南郡夷
道縣屬宜都郡治此宋析宜道置宜昌縣屬宜都郡陳
析置宜都縣屬南荊州隋開皇廢郡省宜都入宜昌屬

江陵府大業夷道屬夷陵郡唐武德改宜昌曰宜都以
二縣置江州六年曰東松州貞觀州廢省宜道入宜都
屬峽州 長陽本漢武陵郡佷山縣東漢屬南郡蜀吳
以後皆屬宜都郡晉太康改興山後復故梁屬宜州西
魏屬拓州陳屬南荊州又置鹽水縣及亭州隋開皇改
長陽縣屬江陵府九年置睦州尋廢又改亭州為庸州
又廢為清江郡後郡徙而省鹽水唐武德復置睦州并
鹽水八年州廢省鹽水入長陽屬東松州貞觀州廢來

屬遠安本漢臨沮縣地東晉沮陽地義熙分置高安縣及汝陽郡後周改高安曰遠安隋廢郡屬峽州

地理沿革

表

形勝丹山在遠安縣清江在宜都縣龍角山在長

陽羊腸山在宜都虎牙山在夷陵狼尾灘在蜀

江羊門山在宜都鹿溪山在遠安黃牛峽白狗

峽在夷陵金龍洞在遠安鬼谷子隱處西陵峽在

夷陵三峽之一也松門山蘭亭洞皆在遠安荆門

山在宜都 桃李洞在遠安 陰陽石在長陽

見雨晴類

琮

崢谷在夷陵

並興地紀勝

人物五代李景威死節南平太祖稱其忠臣厚卹其家
皇朝何參不求聞達歐陽公重之 胡勉建炎初

集豪勇破賊鍾相斬二渠魁 龔鼎攝夷陵令擊劉超

有功

輿地紀勝

集春水月峽來浮舟望安極正見桃花浪依然錦江色

江色綠且明茫茫與天平遙迤巴山盡遙曳楚雲行

李白

欽定四庫全書

記纂淵海

三

黃牛來勢瀉山川疊日孤舟逐寸前雷電夜驚猿落樹

波濤秋恐客離船盤渦迸入空虛地斷壁高分繚繞天

多少旅人經此過一生魂夢拍潺湲同鹿角真走險狼

頭如跋胡杜甫白狗斜臨穴黃牛更在東遠山朝白帝

深水謁夷陵並同上萬丈赤幢潭底日一條白練峽中天

白居易神女臺雲間繚繞使君灘水急潺湲上有萬仞

山下有千丈水蒼蒼兩崖間闊狹容一葦並同上兩崖開

盡水回環一葉纔過石罅間楚客莫言山勢險世人心

更險於山

雍陶

本朝開寶以峽州隸京師咸平中屬湖北路 開寶八

年省巴山縣入夷陵為巴山寨

沿革表

未鵬梅先發經霜

葉不凋

歐陽公

時節同荆俗民風載楚謠 西陵山水天

下佳 愁烟苦霧少芳菲野卉蠻花鬪紅紫 醉裏人

歸芳草渡夢中船下武牙灘

普上

江水遠流千古恨峽雲

長作四時容

房與之

楓落楚江寒岸靜月高巫峽夜猿哀

秦惟肖

三遺洞裏尋遺跡坐喜亭前足雅歌

洪邁

歸州

倚郭一
外縣二

秭歸

巴東

興山

郡號巴東

秭歸

建平

夔國

州沿革翼軫分野禹貢荊州之域春秋夔子國楚滅之
秦漢屬南郡三國先入蜀後歸吳永安屬建平郡晉屬荊
州齊屬巴州梁屬信州後周置秭歸郡隋開皇初郡
廢縣仍曰秭歸屬信州唐武德分夔置歸州天寶曰
巴東郡屬山南東道五代地入南平高氏

地理沿
竿表

縣沿革秭歸屬漢南郡吳屬建平郡後周置秭歸郡改

縣曰長寧隋廢為秭歸縣屬信州唐為歸州治 巴東
本漢巫縣地宋置歸鄉縣屬建平郡梁置信陵郡後周
廢郡改歸鄉曰樂鄉隋改巴東屬信州唐武德來屬

興山本秭歸縣地吳置興山縣屬建平郡宋省之周武
帝置高陽縣宣帝省之唐武德析秭歸復置興山屬歸

州 地理沿革表

形勝四通山在興山有四徑可上 三遊洞即龍昌洞

蔣槩彭德純周茂叔同遊得名 三閭山屈原所居

八學士山在秭歸 桐木山在巴東 蓮花灘棗子林

在秭歸 奇石山在興山 破石山滑石灘在秭歸 雞

籠山在巴東 龍湫洞在秭歸 螺玉山螺金山在巴東縣北

金字山在巴東 玉虛洞在興山 朱雀山在秭歸

青羊溪在巴東

興地
紀勝

人物屈原忠而被逐著離騷賦 宋玉師事屈原

梁嚴植之撰吉凶禮儀注 皇朝譚述嘗參山谷先生

万俟卨紹興參政

興地
紀勝

集宋玉歸州宅雲通白帝城杜甫若道士無英俊才何得

山有屈原宅若道巫山女麤醜何得上有昭君村羣

山萬壑赴荆門生長明妃尚有村一去紫臺連朔漠獨

留青塚向黃昏並同上巫女廟花紅似粉昭君村柳翠於

眉白居易巫山暮足雲花雨楚水春多逆浪風同上

本朝開寶歸州直隸京師咸平屬湖北建炎屬夔路紹

興復故尋又屬夔路淳熙復故闕熙寧闕年闕興闕屬

秭歸元祐復置沿革表晚日寒天過秭歸闕

况經宋玉悲秋處不特秋悲冬亦悲

闕

熊繹舊城空竹叢

同歸州闕

山窮林薄不肥沃生爾

闕

穹廬天萬里漢宮無色

闕

復州

倚郭一外縣一

景陵玉沙

郡號竟陵建興江沙景陵

州沿革翼軫鶉尾之次禹貢荊州之域春秋戰國楚地

秦屬南郡漢屬江夏郡三國初屬魏

關

晉

元康分置竟陵郡南齊分置遂安左郡梁又置沔陽郡
改遂安左郡為建安西魏改光川郡置郢州後周改復
州隋開皇廢郡為復州大業改沔州又改沔陽郡唐武
德為復州貞觀屬山南道天寶為竟陵郡後梁升武威

軍

地理沿革表

縣沿革景陵本漢江夏郡竟陵縣晉元康置竟陵郡治
霄城縣竟陵屬焉南齊以霄城屬遂安左郡梁省竟陵

以霄城屬建安郡西魏屬光川郡周改霄城為竟陵屬
復州隋開皇為復州治仁壽徙治建興唐初為州治貞
觀徙治沔陽後梁為州晉天福改縣曰景陵玉沙本
漢江夏郡雲杜縣晉元康屬竟陵郡梁分置沔陽縣及
郡西魏改沔陽曰建興廢雲杜縣隋大業改建興曰沔
陽徙沔陽郡治焉唐武德屬復州貞觀為州治後梁徙
治竟陵以為屬邑本朝置玉沙縣省沔陽入焉

地理沿革表

形勝三澁水見禹貢澁三陽湖在玉沙曰朝陽南陽水

陽 五華山在竟陵東 採桑村撒花臺皆在竟陵

白鷺湖在玉沙 白螺在竟陵 大隱林小隱林在沔

陽

輿地紀勝

人物唐陸羽號竟陵子 皇朝張微能詩有滄浪集弟

張徵七持使節八部郡府 張嘉言為學諭敵犯景陵

郡不屈自沉于水同室六人俱死

輿地紀勝

集羨爾優游正少年竟陵烟月侶吳天車螯近岸無妨
取舴艋隨風不費牽處處路傍千頃稻家家門外一渠

蓮

皮日休送弟

千羨萬羨西江水曾見竟陵城下來

陸羽

本朝熙寧六年廢復州以景陵縣屬安州元祐復置州

治景陵 乾德二年置玉沙縣屬江陵至道來屬寶元

省沔陽入玉沙熙寧州廢省縣為鎮入江陵監利縣元

祐復玉沙縣屬江陵尋又來屬

沿革表

西風娟娟木颼颼

身在江湖北岸州自古楚人詞最好為君重賦竟陵秋

張耒

水際疑逢陸文學草間恐有關於菟

趙綱立

雲夢澤南

古竟陵登臨聚景在幽亭幾重湛湛波湖綠萬疊陰陰

桑柘青

唐恪

漢陽軍

倚郭一
外縣一

漢陽
漢川

郡號沔陽

漢津

古沔

軍沿革翼軫分野禹貢荊州之域春秋屬郢楚取之秦

屬南郡漢屬江夏郡三國初屬魏後屬吳梁屬沔陽郡

後周屬復州隋屬沔陽郡置沔州天寶曰漢陽郡建中

廢之尋復寶曆又廢地屬岳州後周置漢陽軍

地理沿革表

縣沿革漢陽本漢安陸縣地漢末三國沔口縣地東晉

置沌縣陳省之隋開皇置漢津縣屬復州大業改今名
唐初置沔州後廢屬鄂州後周置軍治此 漢川本安

陸縣地梁置梁安縣西魏改魏安尋改汭川周改甌山

隋屬沔陽郡後廢甌山唐武德析漢陽置汭川縣屬沔

州後屬鄂州後周屬安州本朝來屬

地理沿革表

形勝却月城在縣北三里 却月湖在漢川 鳳栖山

在軍治北 雞鳴鎮在漢川西 仙潛山一名九真山

又名五歲山 大小別山小軍山皆在漢陽 梁城山

在郡治東北一名魯山 石潭山在漢陽 桃花洞在

鍾秀門外

菖蒲洞在漢陽

興地紀勝

集漢陽抱青山飛樓映襄渚白雲蔽黃鶴綠樹藏鸚鵡

崔羣玉

南湖秋月白王宰夜相邀錦帳郎官醉羅衣舞女

嬌

李白

漢陽渡口蘭為舟漢陽城下多酒樓

離隱

本朝熙寧四年廢漢陽軍以縣屬鄂州元祐復置 太

平興國二年改汧川縣為漢川來屬熙寧廢為鎮元祐

復置

沿革表

西來漢水接江流大別山邊舊汧州春到夕

陽無盡興一行飛鷺下汀洲

林郢

郎官湖上郎官遊只都

閒客生閒愁烟波蕩漾四五頃風月淒涼三百秋

同上

荊門軍

倚郭一外縣一

長林當陽

郡號長林 荆岑

軍沿革星土分野歷代地理並同江陵府五代高季興

置軍治當陽

地理沿革表

縣沿革長林本漢江陵縣地宋置長林長寧二縣隋省長林又改長寧曰長陵屬江陵府唐武德置基州及章

山縣州廢章山隸郢州八年省章山入長林析正元置
荊門縣後省之本朝徙軍治此 當陽漢屬南郡又為
臨沮縣晉臨沮屬襄陽宋二縣並屬南郡後梁置平州
又置安居縣廢臨沮隋開皇置玉州未幾州郡並廢歷
江陵府後改安居曰昭丘大業改荊臺後廢之唐武德
置平州復臨沮縣又名玉州州廢屬荊州省臨沮

地理沿革

表

形勝綵水出紫蓋山下 丹溪在當陽北 龍川鳳川

在當陽南 七星潭在長林 三星山在當陽 龍尾

山狼尾山在長林 虎牙山在城西南 香鑪山熨斗

陂劍池皆在當陽 磨劍山在長林 秦王磨劍處 鉄

山接遠安縣界 玉泉在當陽縣南

輿地紀勝

人物唐鄭谷居白社 皇朝唐介為諫官 朱震號漢

上先生有易

輿地紀勝

集指途躋楚望策馬傍荆岑

張九齡

荆門控三巴

孟浩然

斜

分漢水橫湘山山青水綠荆門間

王建

飛烟紀南城塵土

荆門間

杜甫

本朝開寶五年仍置軍初治當陽改置長林熙寧廢元

祐復

沿革表

紫蓋亭亭綉荆渚股分綵水穿林莽

葛立方

綵

川紫岫洗詩愁

王之望

指點荆門路烟雲半有無

王之道

信陽軍

倚郭一外縣一

信陽羅山

郡號義陽

申國

平氏

軍沿革鷄尾之分禹貢荆豫之域春秋申國楚滅之秦
屬南陽郡漢南陽江夏郡晉義陽江夏郡宋置宋安郡

無置司州梁為北司州後魏改郢州周改申州隋大業
改義州尋為義陽郡唐淮南道本朝降為軍

地理沿革表

縣沿革信陽本漢南陽郡平氏縣地又江夏郡鍾武鄆
二縣地東漢省鍾武魏分平氏置義陽縣晉義陽屬義
陽郡鄆屬江夏郡宋改義陽縣曰平陽置宋安郡治北
齊改鄆為齊安置齊安郡隋復改義陽改齊安為鍾山
並屬義陽郡本朝省鍾山改今名 羅山本漢鄆縣地
北齊置高安縣隋開皇廢之後復置羅山縣屬義陽郡

唐武德置南羅州州廢屬中州

地理沿革表

形勝羊山在郡東北 鵲山魚陂在羅山縣 武陽關

在軍南 義陽山在軍東 石壁潭在信陽 石城山

在軍東南 三角山在軍南八十里 九曲河在軍南

仙君港在軍西 佛圖山在羅山 鍾山在縣西南

金山在軍南 霸山於諸山最為高大

興地紀勝

人物蜀費禕代蔣琬為大將軍 晉孟嘉史以為郢人

皇朝舒繼明與偽齊戰死

興地紀勝

集城邊一水抱城流城外羣山擁郡樓

張未

本朝開寶九年改義陽軍省鍾山羅山入義陽縣太平

興國軍縣並改為信陽復置羅山縣

沿革表

羣山設關險

高屋畫多陰晴嵐度丘壑踈草上衣襟

皇朝名賢詩見文苑英華不著

氏名

記纂淵海卷十四